

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 268281 25 St
Zenica, 17.07.2026.. godine

Općinski sud u Zenici, sutkinja Marina Šapina, odlučujući o prijedlogu predlagatelja Proizvodno-prometno i uslužno društvo „TEHNOMAX“ d.o.o. Zenica, Prof Mustafe Čauševića broj 1, Zenica, za otvaranje stečaja nad predlagateljem, nakon ročišta za utvrđivanje uvjeta za otvaranje stečajnog postupka održanog dana 14.07.2026.god., odlučujući o prijedlogu privremenog stečajnog upravitelja Senaudina Kulačića iz Zenice, za otvaranje stečajnog postupka nad predlagateljem, kome je prisustvovao punomoćnik predlagatelja Ermin Redžić, odvjetnik iz Zenice i privremeni stečajni upravitelj Senaudin Kulačić, dana 17.07.2026.godine, donosi:

R J E Š E N J E

Otvara se stečajni postupak nad imovinom pravnog lica „Proizvodno-prometno i uslužno društvo „TEHNOMAX“ d.o.o. Zenica, Prof Mustafe Čauševića broj 1, Zenica, matični broj subjekta upisa: 43-01-0810-11 (stari broj 1-9491), JIB: 4218528130003, dana 17.07.2026.godine, u 15,00 sati.

Za stečajnog upravitelja sa liste stečajnih upravitelja se imenuje Merima Durmić iz Zenice, ul. Gornjozenička 13.

Pozivaju se povjerioci da u roku od 30 dana od dana objavljivanja oglasa o otvaranju stečajnog postupka u Službenim novinama F BiH, prijave svoja potraživanja koja imaju prema stečajnom dužniku podnošenjem prijave Općinskom sudu u Zenici na broj: 43 0 St 268281 25 St uz uplatu sudske takse u iznosu od 1% od vrijednosti potraživanja, ali ne manje od 50,00 KM, niti više od 10.000,00 KM na transakcijski račun budžeta ZE-DO kantona broj: 134-010-0000001672 kod ASA Banka d.d. Sarajevo, vrsta prihoda 722221, budžetska organizacija 1606001, općina 103.

Podnositelji prijave uz prijavu trebaju navesti svoju firmu, sjedište, boravište, pravni osnov i iznos potraživanja, kao i broj svog transakcijskog računa.

Pozivaju se povjerioci da stečajnog upravnika u roku od 30 dana obavijeste koja prava osiguranja potražuju na predmetima i imovini stečajnog dužnika, navođenjem predmeta nad kojim se potražuje pravo osiguranja, vrstu i razlog nastanka prava osiguranja, kao i osigurano potraživanje.

Pozivaju se dužnici stečajnog dužnika da svoje obaveze bez odlaganja izmire.

Ispitno i izvještajno ročište u ovom postupku zakazuje se za dan 29.09.2026.godine u 12,00 sati, u zgradi Općinskog suda u Zenici kancelarija br. 31/II, te se na isto pozivaju povjerioci stečajnog dužnika koji podnesu prijavu potraživanja i stečajni upravitelj.

Određuje se upis zabilježbe otvaranja stečajnog postupka u Registar društava kod stečajnog dužnika koji se vodi pod 43-01-0810-11 (stari broj 1-9491), te oznake „u stečaju“ uz naziv stečajnog dužnika, a u rubrici „lica ovlaštena za zastupanje subjekta upisa“ umjesto imena i prezimena direktora upiše ime i prezime stečajnog upravnika.

O b r a z l o ž e n j e

Prijedlogom od 28.11.2025.godine, predlagatelja Proizvodno-prometno i uslužno društvo „TEHNOMAX“ d.o.o. Zenica, Prof Mustafe Čauševića broj 1, Zenica, zastupan po punomoćniku Erminu Redžiću, odvjetniku iz Zenice, pokrenut je stečajni postupak nad navedenim društvom.

Rješenjem br. 43 0 St 268281 25 St od 26.03.2026.. godine, pokrenut je prethodni postupak radi utvrđivanja uslova za otvaranje stečajnog postupka nad imovinom stečajnog dužnika Proizvodno-prometno i uslužno društvo „TEHNOMAX“ d.o.o. Zenica, Prof Mustafe Čauševića broj 1, Zenica MBS: 43-01-0810-11 (stari broj 1-9491) i za privremenog stečajnog upravitelja imenovan je Kulačić Senaudin iz Zenice, Derviša Imamovića 3.

Na ročištu radi ispitivanja uvjeta za otvaranje stečajnog postupka održanom dana 14.07.2026.god., privremeni stečajni upravitelj je izjavio da ostaje kod izvještaja dostavljenog u spis suda dana 05.05.2026. godine, koji je uradio na temelju raspoložive dokumentacije iz sudskog spisa, finansijske dokumentacije koja mu je stavljena na uvid, informacija dobijenih od nadležnih registara, informacija dobijenih od direktora i knjigovođe stečajnog dužnika koji je vodio knjigovodstvene poslove, te neposrednim uvidom i obilaskom adrese koja je navedena kao sjedište stečajnog dužnika. Utvrdio da na navedenoj adresi u poslovnom prostoru u sklopu stambene zgrade ne postoji istaknuta firma stečajnog dužnika, da se tu sada nalazi drugo društvo. Navodi da uz prijedlog za otvaranje stečajnog postupka nisu priloženi finansijski izvještaji sačinjeni u skladu sa važećim računovodstvenim propisima, a koji ne bi bili stariji od 90 dana od dana podnošenja prijedloga, kako je to propisano odredbom člana 58. stav (4) tačka a) Zakona o stečaju Federacije Bosne i Hercegovine. Finansijski izvještaji za 2025. godinu su sačinjeni i predate u FIA-u 27.04.2026. godine, nakon čega je privremeni stečajni upravnik imao relevantne podatke o postojanju stečajnih razloga i obima stečajne mase. Navodi da Iako je 2024. godina završena pozitivno, a 2025. godina je završila sa gubitkom, koji je knjižen na teret akumulirane dobiti, u drugoj polovini 2025. godine nastupila je blokada računa stečajnog dužnika, jer Stečajni dužnik nije imao mogućnost platiti dospjele obaveza u neprekidnom trajanju dužem od 60 dana, što prema članu 6. stav (3) Zakona predstavlja zakonsku pretpostavku za stečaj.

Privremeni stečajni upravnik je utvrdio da dužnik ima pokretne imovini, a nema nepokretne imovinu. Prema Bilansu stanja od 31.12.2025. godine i po finansijskoj dokumentaciji, koja je stavljena na uvid posjeduje dugoročnu pokretnu imovinu, stalna sredstva u ukupnoj vrijednosti od 6.030 KM, tokom popisa imovine na lokaciji u naselju Klopče, privremeni stečajni upravnik je identifikovao vozilo u vlasništvu stečajnog dužnika i to neregistrovano motorno teretno vozilo, marke Renault FC, broj šasijske VF1FC1DAF34199693., Uvidom u Bilans stanja sa 31.12.2025. godine na Pozicija Aktiva C – Kratkoročna imovina - Redni broj 1.4 – Roba u iznosu od 1.011.761 KM. Prema Lager listi na dan 25.02.2026. godine, vrijednost ove imovine je 836.086,07 KM, uUvidom u analitičke kartice kupaca i finansijsku dokumentaciju dužnika, utvrđeno je da ukupna potraživanja iznose 102.546,00 KM. Detaljnom analizom starosne strukture privremenom upravniku je predočeno sljedeće: naplativa (aktivna) potraživanja iznos od 14.911,02 KM nalazi se unutar opšteg zastarnog roka od tri godine. Za ova potraživanja postoji pravni osnov za pokušaj prinudne naplate ili kompenzacije, prema izjavi direktoru društva, dio ovih potraživanja je plaćen ali nisu uplate provedene kroz knjigovodstvo. Preostali iznos od 87.646,00 KM, odnosi se na potraživanja starija od tri godine., na Poziciji Aktiva C – Kratkoročna imovina - Redni broj 9 su novac i novčani ekvivalenti (isključujući prekoračenje po bankovnim računima) u iznosu od 119 KM. Prilikom utvrđivanja obaveza stečajnog dužnika privremeni stečajni upravnik je izvršio uvid u poslovne knjige, bilans stanja, raspoložive analitičke kartice, poreske evidencije, kao i drugu raspoloživu dokumentaciju stečajnog dužnika, radi utvrđivanja ukupne visine i strukture obaveza. Na osnovu izvršenog uvida, utvrđeno je da stečajni dužnik, na dan pokretanja prethodnog stečajnog postupka radi utvrđivanja uslova za otvaranje postupka stečaja nad imovinom privrednog društva ima neizmirenih, dospjelih i potraživanih obaveza za plaćanja prema povjeriocima, u iznosu od 674.324,25 KM. Navodi da se iz Izvještaja o računima poslovnog subjekta, može se vidjeti da je glavni račun dužnika blokiran dana 01.10.2025. godine, te imajući u vidu odredbe člana 6. stav (3) Zakona o stečaju, jasno proizilazi da postoje razlozi za otvaranje stečajnog postupka, jer je račun blokiran 60 dana neprekidno.

Izjavljuje da je organ ovlašten za zastupanje stečajnog dužnika je podnio prijedlog za pokretanje stečajnog postupka dana 28.11.2025. godine, a glavni račun dužnika je blokiran 01.10.2025. godine, tj. prijedlog za pokretanje stečajnog postupka podnesen je u roku od 60 dana od dana nastupanja platežne nesposobnosti.

Privremeni stečajni upravnik izjavljuje da kod dužnika postoje razlozi za otvaranje stečajnog postupka iz člana 6. Zakona o stečaju – platežna nesposobnost dužnika, jer su računi blokirani 60 dana neprekidno, odnosno jer dužnik 60 dana neprekidno ne izmiruje svoje dospjele i potraživane novčane obaveze, dužnik je podnio prijedlog za otvaranje stečajnog postupka u roku od 60 dana od dana nastupanja platežne

nesposobnosti, poslovanje dužnika ne može se nastaviti u cjelini, niti djelimično u toku prethodnog postupka, dužnik ima imovine koju bi obezbjeđivao i o kojoj bi se starao privremeni stečajni upravnik. Stečajni dužnik posjeduje imovinu koja može pokriti troškove stečajnog postupka, postoji mogućnost djelimičnog namirenja povjerilaca, predlažem da sud donese rješenje o otvaranju stečajnog postupka.

Punomoćnik povjerioca izjavljuje da nema pitanja ni primjedbi na navode privremenog stečajnog upravitelja, te je suglasan sa njegovim prijedlogom.

Stečajni postupak je postupak cjelokupnog unovčenja stečajne mase stečajnog dužnika. Iz pismenog izvještaja privremene stečajne upraviteljice i navoda sa ročišta za ispitivanje uvjeta za otvaranje stečaja, jasno proističe platežna nesposobnost stečajnog dužnika član 6. Zakona o stečaju („Službene novine F BiH”, broj:53/21).

Kako postoji prijedlog privremenog stečajnog upravitelja i utvrđeni su razlozi za otvaranje stečajnog postupka, a privremenog stečajnog upravitelja je ostao kod prijedloga koji je dopušten, te kako se prema njegovoj izjavi iz stečajne mase mogu namiriti troškovi stečajnog postupka, odlučeno je kao u izreci rješenja.

Sud je pored navedenog ovim rješenjem odredio dan i čas otvaranja postupka, imenovao stečajnog upravnika sa liste stečajnih upravnika, pozvao povjerioce stečajnog dužnika da prijave potraživanja i povjerioce sa pravom osiguranja da obavijeste stečajnog upravnika o svom pravu, te dužnike stečajnog dužnika da bez odlaganja izmire svoja potraživanja i odredio i dan i čas za koji je zakazano ispitno i izvještajno ročište, a sve u skladu sa članom 104., 105., 106. Zakona o stečaju, budući da je naprijed navedeno i potrebno da sadrži rješenje o otvaranju stečajnog postupka.

Sud je naredio upis oznake „u stečaju“ uz naziv stečajnog dužnika u skladu sa članom 108. Zakona o stečaju i upis zabilježbe stečajnog postupka.

POUKA O PRAVNOM LIJEKU:

Protiv ovog rješenja stečajni dužnik može uložiti žalbu u roku od 8 (osam) dana po prijemu rješenja Kantonalnom sudu Zenica, a putem ovoga suda.

Sutkinja:
Marina Šapina